

ՄԵՆՅՈՐ-ՄԵՆԹԻ (ՅՈՎԱՆԱՎՈՐՅԱՆ) ՀԱՐԱԲԵՐՈՒԹՅՈՒՆԸ ԵՎ ԿՐԹՈՒԹՅՈՒՆԸ

Ես-Դու (I-Thou) հարաբերությունը

«Կար ժամանակ, երբ կրթողի և ուսուցչի գոյությունն ու առավել ևս պահանջն ընդհանրապես չէր զգացվում: Կային վարպետներ, փոխտոփաներ կամ արհեստավորներ, որոնց վարժկաններն ու աշակերտներն իրենց հետ էին ապրում, յուրացնում ու սովորում էին նրանց ձեռքի և մտքի աշխատանքը: Բայց, ակամայից, առանց նկատելու նրանք սովորում էին անձնական կյանքի առեղծվածը. նրանք ոգի էին ստանում»:

Մարթին Բուբեր

Մենթոր-մենթի (հուն. Mentor) բիմոմի արմատները գնում են դեպի հին հունական դիցաբանություն: Մենթորը Հոմերոսյան պոեմում Ոդիսևսի որդի Տելեմաքոսի խնամակալ-դաստիարակն էր: Այս առումով մենթորային հարաբերությունները, որոնք ենթադրում են ավելի փորձառու անհատի (մենթորի) աջակցությունը քիչ փորձառուին (մենթին կամ հովանավորային (protege), երկար ժամանակ եղել են կրթության բաղկացուցիչ մի մաս¹: Հնայած տեսականորեն սահմանված չեն եղել, սակայն գոյություն են ունեցել որպես երևույթ:

Դժվար է միանշանակ սահմանել մենթորության էությունը, քանի որ այն շատ դիմամիկ է և նրա գործառույթն օրեցօր հարստանում է նորանոր քննազավառներով (կրթություն, բիզնես, արվեստ, դատական համակարգ, առողջապահություն, և այլն): Քանի դեռ կոնկրետ և միանշանակ սահմանում գոյություն չունի, մենթորությունը կարելի է բնութագրել որպես միջանձնային հարաբերության ձևերից մեկը:

Եվ ահա. «Ի սկզբանե հարաբերությունն է»¹: Այս աստվածաշնչյան արձագանքը իր յուրովի ձևակերպումն է ստացել Բուբերյան ընկալմամբ. որտեղ ընդգրկված են «հարաբերության» բազմաթիվ տարբերակները՝ մարդ-մարդ, մարդ-Աստված, մարդ-աշխարհ: Փոխսփայության երկխոսական (dialogic) դպրոցի (որում առաջնային տեղը զբաղեցնում է երկխոսությունը մարդու և աշխարհի միջև) ներկայացուցիչ Մարթին Բուբերի աշխատությունը ընդգրկում է հոլիստիք մենթորության երևույթը, որին էլ անդրադաժել ենք մենք այս հակիրճ ուսումնասիրության մեջ:

¹ Buber, M. (1958). I and thou (2nd ed.). (R. G. Smith, Trans.). New York: Charles Scribner's Sons. (Original work published 1923), p. 8.

Բուբերի պնդմամբ գոյություն ունի երկու հիմնական հարաբերություն. *Ես-Դու (I-Thou)* և *Ես-Այն (I-It)*: Նա երգիստենցյալ փիլիսոփա Կիեռլեգոռով ոգեշնչված՝ տարբերակում է սուբյեկտ-օբյեկտ հարաբերությունը (*Ես-Այն*), որտեղ ներգրավված անձինք մեկը մյուսի համար մնում են որպես մեկուսացված սուբյեկտներ և զուտ օբյեկտներ: Նա նաև տարբերակում է անձ-անձ (*Ես-Դու*) շփումը, որտեղ յուրաքանչյուր անհատ մյուսի հետ անկեղծ հարաբերության մեջ է մտնում²:

Ըստ Բուբերի «*Ես և Դու*» հարաբերությունը հուզական շփման միջոցով թերապիա ակնկալող հանդիպում (encounter) է, որում բացակայում են սեփականատիրական և մանիպուլյացիայի մոտեցումները³: Այս հարաբերության մեջ ոչ մի հետին միտք չի հետապնդվում և դրանում յուրաքանչյուր մարդ անկեղծ է, վստահելի և ինքնաբացահայտող:

Ի՞նչ է կատարվում: Իրականում, քայլ առ քայլ, մենքորն ու մենքին միջանձնային մի դաշինք են կնքում, որտեղ կարող են ի հայտ գալ «*Ես-Դու*» կապերը: Հետևաբար, անձի զարգացումը դառնում է նաև «*Ես-Դու*» հարաբերության արդյունք, որտեղ ճշմարիտ հուզական շփումը մարդու հոգեկան և մասնագիտական զարգացման համար հույժ կարևոր է:

Բուբերը պնդում է, որ կրթության մեջ հարաբերությունն սկսվում է անեղծ երկխոսություններից: Այդ երկխոսության մեջ, մտովի, թե բարձրաձայն, «յուրաքանչյուր մասնակից հաշվի է առնում ներկա գտնվող կամ կոնկրետ ինչ-որ մեկին, կամ մի քանիսին և դիմում է նրանց իրենց մեջ կենդանի, փոխադարձ հարաբերություն հաստատելու մտադրությամբ»⁴: «Դիալոգիկ» վիճակը մի կողմից կարելի է կոչել ներփակ, քանի որ ուսուցչին հնարավորություն է տրվում ընդունել դիմացիներին և ճանաչել նրան որպես անհատականություն:

Այս երկու հարաբերությունների ձևերից առավել բնորոշը *Ես-Այն (I-It)* հարաբերությունն է, որը, մեր կարծիքով, *Ես-Դու* հարաբերության համեմատությամբ պրիմիտիվ (պարզունակ) հարաբերության ձևերից է: Այստեղ մարդիկ վերաբերվում են մյուսներին որպես օբյեկտ, այսինքն՝ «այն» և գործի են դնում տարբեր խորամանկություններ և վարպետություն (մանիպուլացիա)՝ շահագործելու միմյանց իրենց իսկ նպատակների համար: «Ուրիշներին դիտելով որպես օբյեկտ՝ մենք (*Ես*-ը) մեզ ներկայացնում ենք որոշակի կերպ նպատակ ունենալով ուրիշներին ստիպել պատասխանել մեզ այնպես, ինչպես

² Հմմտ. Buber, M. (1958). I and thou (2nd ed.). (R. G. Smith, Trans.). New York: Charles Scribner's Sons. (Original work published 1923); Buber, M. (1965a). Between man and man (R.G. Smith, Trans.) New York: Macmillan. p. 37.

³ Buber, M. (1965a). Between man and man (R.G. Smith, Trans.) New York: Macmillan. p. 19.

⁴ Նույն տեղում:

մենք ենք ուզում»⁵։ Հետևաբար, սուբյեկտ-օբյեկտ հարաբերությանը բնորոշ է անջատումը, բաժանումը. «*Ես-Այն*» գաղափարը օբյեկտի, այսինքն *Այն* –ի, նկատմամբ ունեցած օբյեկտիվ գիտելիքն է, ինչպես անձից դուրս գտնվող ցանկացած բան։ Քանի որ տեղյակ անձն առանձնացված է և օբյեկտի հետ ոչ մի էական առնչություն չունի, այդ երկուսի մեջ հաղորդակցությունը բացակայում է։

Մյուս կողմից, հարաբերության «*Ես-Դու*» տեսակն ավելի հազվադեպ և զորեղ է և այստեղ մենք հրաժարվում ենք անձին օբյեկտ դարձնելու ցանկությունից, հավակնությունից և մանիպուլյացիայից – և նրա հետ մտնում ենք անկեղծ հարաբերության մեջ. «Յուրաքանչյուրս ինքներս մեզ առաջարկում ենք այնպես, ինչպես որ կանք, և փնտրում ու ընդունում մյուսին այնպես, ինչպես որ նա կա։ Մենք սա անում ենք ոչ թե նրա համար, որ դիմացինն օգտակար լինի մեզ, այլ նրան հասկանալու և նրա կողմից հասկացված լինելու համար»⁶։ Ավելի հստակ՝ այս հարաբերություններում լիովին բացակայում է շահադիտական նպատակը։ «Երբ այս ամենը տեղի է ունենում, մեր միջև կատարվածն արդեն հաստատում է մեր գոյությունը, մեր արժեքը և որ ամենակարևորն է մեր ներուժը։ Մենք երկուսս էլ զորեղանում ենք։ Սակայն, մեզմից ոչ ոք, միայնակ չի ցանկանում ընթանալ։ Շփումը պետք է փոխադարձ լինի»⁷։

«*Ես-Դու*» հարաբերության մեջ, դիմացինը դադարում է «*Այն*» լինելուց և դառնում է «*Դու*»։ Հարաբերությունը փոխադարձ է, առանց սեփականատիրության ավտորիտար միտումի, որտեղ յուրաքանչյուր ոք վստահելի է և ինքնաբացահայտող. «Նա բացահայտումներ է կատարում ոչ թե հենց իր մասին, այլ իր սեփական անձի («*Ես*»–ի) և փոխարենը մենք էլ ենք նույնն անում։ «*Ես-Դու*» հարաբերությունը փոխարինել է օբյեկտիվ հարաբերությանը, որտեղ մենք կարծես երկու իր լինելիքն դեմ առ դեմ կանգնած։ Այժմ կա փոխհաղորդակցություն։ Երկուսն էլ ավելի շատ են տեղեկացված, և ինչ–որ մեկը դիտորդ չէ։ Ավելին, «*Նա*»–ն արմատապես վերափոխված է, որովհետև գիտն է գիտակցորեն տրվում է ուրիշին։

Երբ երկու անձի միջև սման էքզիստենցյալ (գոյաբանական) զգացմունքային շփում է տեղի ունենում, նշանակում է փոխհաղորդակցությունն ի կատար է ածվել։ «Դիմացինն իմ աչքերում դառնում է ինչ–որ առեղծվածային և գրեթե անբացատրելի ձևով հատուկ էակ, իմ աշխարհի, իմ էության մի

⁵ Gehrke, N. J. (1988). On preserving the essence of mentoring as one form of teacher leadership. *Journal of Teacher Education*, 39 (1), 43–45. էջ 44.

⁶ Gehrke, N. J. (1988). On preserving the essence of mentoring as one form of teacher leadership. *Journal of Teacher Education*, 39 (1), 43–45. էջ 44.

⁷ Gehrke, N. J. (1988). On preserving the essence of mentoring as one form of teacher leadership. *Journal of Teacher Education*, 39 (1), 43–45, p. 44.

մասնիկը: Հնարավորինս մտնում են դիմացինի աշխարհի մեջ, իսկ նա ուղք է դնում իմ աշխարհ: Ու թեև ինչ-որ միաձուլում լինում է, մեզանից յուրաքանչյուրը միշտ մնում է որպես անհատականություն»⁸:

«Ես-Դու» (*I-Thou*) հարաբերությունը կրթության մեջ

Բարձրագույն կրթության մեջ չափահասների մենթորը ներգրավված է ուսուցիչ-աշակերտ այսպես կոչված «դեմ առ դեմ» հարաբերություն մեջ, որտեղ երկու անհատների եզակիությունը, որպես մարդկային էակների, գնահատվում է որպես կրթական գործընթացի մի մաս⁹: Դ. Մաքդոնալդը համամիտ է այն մտքի հետ, որ ուսուցանել-սովորել ընթացքը առնչվում է հարաբերակցության և շփման հետ, որը կարող է որոշիչ դառնալ անձի անհատական զարգացման հետագա ուղղվածության համար: Այս հարաբերության վերաբերյալ նրա մեկնաբանությունը համապատասխանում է Բուբերի «Ես-Դու» շփման հետ. «Աշակերտի զարգացումը խթանելու համար ... ուսուցիչը պետք է ընդառաջ գնա նրան, այլ ոչ թե նրա հետ վարվի՝ որպես վերադասը-ենթակայի: ... Երբ ուսուցիչը վեր է դասում իր կարգավիճակը, աշակերտները չեն բացահայտում իրենց և, հետևաբար, նրանց աճի պոտենցիալը սահմանափակվում է, քանի որ նրա առջև փակվում են զարգացման բոլոր դռները: Իսկական ուսուցիչը բարյացակամ հարաբերությունների միջոցով հնարավորություն է ընձեռում աշակերտին ուղղակի, անմիջորդ կապ հաստատել իրականության հետ: Այլ կերպ դրսևորվելու դեպքում՝ ուսուցիչը պատնեշում է ուսանողի զարգացման ուղին»¹⁰:

Անշուշտ, մենթոր-ուսուցչի համար կրթության նպատակը լիարժեք անձ ձևավորելն է: Ուստի մենթորը ներգրավված է չափազանց լուրջ հոգատարության, ինչպես նաև դասավանդման հմտությունների կիրառման և գիտելիքների փոխանցման մեջ:

Հենց այս ուսուցիչ-ուսանող համագործակցությունն է, որ որոշում է կրթության արժեքը: Համագործակցության էությանն էլ հենց մենթորի արվեստն է:

⁸ Powel, H. J. et al. (1995) Adjusting the focus: Teachers' roles and responsibilities in school/university collaboration. *The Teacher Educator*. pp. 1-41.

⁹ Հմտ. Daloz, L. (1986). *Effective teaching and Mentoring*. San Francisco, CA: Jossey-Bass. / DeCoster, D. A., & Brown, R. D. (1982). Mentoring relationships and the educational process. In R. Brown & D. DeCoster (Eds.), *New directions for student services: Mentoring-transcript systems for promoting student growth* (pp. 5-17). San Francisco: Jossey-Bass. / Lester, V., & Johnson, C. (1981). The learning dialogue. In J. Fried (Ed.), *Education for student development* (pp. 49-56). *New Directions for Student Services*, no. 15. San Francisco: Jossey-Bass.

¹⁰ McDonald, D.L. (1985). *Educational psychology: The teaching-learning process*. Chicago: Moody. p. 31.

Կրթության այդօրինակ լայն հասկացությունը ենթադրում է, որ կրթված լինել նշանակում է «հումանիզացվել», ոչ թե պարզապես վարժեցվել: Բազմիցս նշվել է, որ կրթությունը ուսանողի հետ մեր ունեցած հարաբերության մի դրսևորումն է: Սա համընկնում է Բուբերի այն գաղափարի հետ, որ իսկական ուսուցիչը նա չէ, ով տեղեկատվությունը լցնում է ուսանողի մեջ այնպես, ինչպես կլցնեին խողովակի մեջ, և ոչ էլ նա, ով համարում է, որ բոլոր պոտենցիալներն արդեն գոյություն ունեն ուսանողի գլխում և անհրաժեշտ է միայն դրանք զարգացնել: Իսկական ուսուցիչը նա է, ով խթանում է անկեղծ փոխադարձ կապն ու վստահությունը, նա, ով զգում է դիմացինին և աշխարհը ճշմարիտ ճանաչելու միջոցով օգնում է իր աշակերտին գիտակցել, թե ինչ ասել է մարդ (ես) լինել¹¹: Այստեղ կրկին հարաբերությունն ամենակարևորն է: Բուբերը նաև հաստատում է, որ մարդը այդպիսին (այսինքն՝ *ես*) դառնում է միայն մյուս *ես*-ի հետ շփման միջոցով: Բացի այդ, մարդը դառնում է ավելի ամբողջական մարդկային էակ, երբ մեկուսացումից անցնում է ավելի հասուն *ես-Դու* հարաբերության:

ԳՐԱԿԱՆՈՒԹՅՈՒՆ

1. Buber, M. (1958). *I and thou* (2nd ed.). (R. G. Smith, Trans.). New York: Charles Scribner's Sons. (Original work published 1923).
2. Buber, M. (1965a). *Between man and man* (R.G. Smith, Trans.) New York: MacMillan.
3. Daloz, L. (1986). *Effective teaching and Mentoring*. San Francisco, CA: Jossey-Bass.
4. DeCoster, D. A., & Brown, R. D. (1982). Mentoring relationships and the educational process. In R. Brown & D. DeCoster (Eds.), *New directions for student services: Mentoring-transcript systems for promoting student growth* (pp. 5-17). San Francisco: Jossey-Bass. p. 8.
5. Gehrke, N. J. (1988). On preserving the essence of mentoring as one form of teacher leadership. *Journal of Teacher Education*, 39 (1), 43-45.
6. Lester, V., & Johnson, C. (1981). The learning dialogue. In J. Fried (Ed.), *Education for student development* (pp. 49-56). New Directions for Student Services, no. 15. San Francisco: Jossey-Bass.
7. McDonauld, D.L. (1985). *Educational psychology: The teaching-learning process*. Chicago: Moody.
8. Powel, H. J. et al. (1995) Adjusting the focus: Teachers' roles and responsibilities in school/university collaboration. *The Teacher Educator*. pp. 1-41.

¹¹ Հմմտ.՝ Buber, M. (1965a). *Between man and man* (R.G. Smith, Trans.) New York: Macmillan. p. 12.